

國朝宮史續編

國朝宮史續編卷之六十五

宮殿十五

西苑四

春耦齋循池西岸而北高閣南向曰紫
光閣

聖祖仁皇帝嘗以仲秋校射於此後於閣前冬試武
進士至今循以爲例閣基本明之平臺後改
爲閣乾隆二十五年重葺四十一年又展接
前廡

高宗純皇帝聖武遠揚

十全紀勝在事諸臣炳列丹青蒙

恩親為製贊並弁藏得勝

靈燾及俘獲軍器各誌獲者姓名以垂永久又外藩

錫宴自乾隆二十六年始雲臺紀勝韞譯來

王誠曠古未有之績也正中面南石上恭勒

乾隆十七年三月二十日

諭旨一道

恭見前編

碑陰恭勒乾隆二十四年四月二十

五日

諭旨一道

恭見前編

又乾隆二十四年九月二十五日

諭旨一道

恭見前編

中樞聯曰高閣美書勲惟期偃武新

圖彰得勝為念宣勞又聯曰干羽兩階崇禮

樂車書萬國集冠裳東次間恭懸

聖製十全記

昨准廓爾喀歸降命凱旋班師詩有十全大武揚之句蓋引而未發茲特敘而記之

夫記者志也虞書朕志先定乃在心周禮春官掌邦國之志乃在事旅獒志以道寧則兼心與事而言之

然總不出夫道得其道乃能合於

天以冀承乎

貺則予之十全武功庶幾有契於斯而可志以記之
乎十功者平準噶爾為二定回部為一掃金川為二
靖臺灣為一降緬甸安南各一即今二次受廓爾喀
降合為十其內地之三叛么膺弗屑數也前已酉廓
爾喀之降蓋因彼擾藏邊界發偏師以問罪而所遣
鄂輝等未宣我武已忠乃遷就完事致彼弗懼而去
歲復來以致大掠後藏飽欲而歸使長此以往彼將

占藏地嚇衆番全蜀無寧歲矣是以罪庸臣選名將
勵衆軍籌儲餉福康安等深感朕恩弗辭勞苦於去
歲冬月即率索倫四川降番等精兵次第由西寧冒
雪而進今歲五月遂臨賊境收復藏邊攻克賊疆履
線險如平地渡溜要若蹄涉繞上襲下埋根批吭手
足胼胝有所弗恤七戰七勝賊人喪膽及兵臨陽布
賊遂屢遣頭人匍匐乞降將軍所檄事件無不謹從
而獨不敢身詣軍營蓋彼去歲曾誘藏之噶布倫丹
津班珠爾等前去故不敢出也我武旣揚必期掃穴

國朝文獻通考卷一百一十五
梨庭不遺一介亦非體

上天好生之意即使盡得其地而西藏邊外又數千里之遙所謂不可耕而守者亦將付之他人乃降旨允降班師以歲斯事昔唐太宗策頡利曰示之必克其和乃固廓爾喀非頡利之比番邊殊長安之近彼且乞命願恩准之不暇又安敢言和乎然今日之宣兵威使賊固意求降歸順實與唐太宗之論有所符合昔予記土爾扈特之事於歸降歸順已悉言之若今廓爾喀之謝罪乞命歸降歸順蓋並有焉以其悔

過誠而獻地切也。迺知守中國者不可徒言偃武修文以自示弱也。彼偃武修文之不已必致棄其故有而不能守是亦不可不知耳。知進知退易有明言。予實服膺費散忘而每於用武之際更切深思。定於志以合乎道。幸而五十七年之間十全武功豈非

天貺然

天貺逾深。予懼益切。不敢言感。惟恐難承。兢兢惶惶以俟。

天眷為歸政。全人夫復何言。

東盡間北壁

聖製平定回部告成太學碑文

建非常之功者以舉非常之事舉非常之事者以藉非常之人然亦有不藉非常之人而舉非常之事終建非常之功者則賴

吳蒼篤貺神運幹旋事若禍而移福機似逆而轉順

順
天者昌逆

天者亡故犁準夷之庭掃回部之穴五年之間兩勲

並集始遲疑猶未敢信終劼劬以底有成荷

天之龍在茲畏

天之鑒益在茲爰敘其事如左達瓦齊之就俘也伊犁已大定矣無何而阿睦爾撒納叛彼其志本欲藉我力以成已事時也人心未定佐饗者嘗一蟻肆狂萬蛆應響蜂屯蟻雜不可爬梳畏難者羣謂不出所料準夷終不可取並有欲棄巴里坤為退守謀然予計其衆志不齊將有歸政倒戈者於是督策將帥之臣整師亟進既而伊犁諸台吉宰桑果悔過勤王思

討逆賊以自贖此

天恩助順者一也二酋大小和卓木者以回部望族
久為準噶爾所拘於阿巴噶斯鄂拓者也我師既定
伊犁乃釋其囚以兵送大和卓木波羅泥都歸葉爾
奇木俾統其舊屬而令小和卓木霍集占居於伊犁
撫其在伊犁衆回乃小和卓木助阿逆攻勤王之台
吉宰桑等阿逆賴以苟延及我師再入阿逆遂逃入
哈薩克而霍集占亦即收其餘衆竄歸舊穴此
天恩助順者二也準夷之事前紀畧見梗概茲不復

紀紀興師討徇之由則以我將軍兆惠在伊犁時曾遣副都統阿敏道往徇議事小和卓木乃以計誘阿敏道而拘之及我師抵庫車問罪彼攜阿敏道以來援至中途害之及從行者百人彼猶逞其狂勃抗我師顏且敢冒死入庫車城乃雅爾哈善畧無紀律致彼出入自由然我滿洲索倫衆兵士無不念國家之恩効疆場之力故能以少勝衆逆渠懼而免脫此天恩助順者三也知債轅之無濟掄幹材之可任時將軍兆惠以搜勦準夷餘黨至魯布特部落已款服

其衆因命旋師定回部於是克庫車存沙雅爾定阿克蘇畧烏什收和闐師之所至降者望風直至葉爾奇木城下而我軍人馬周行萬有餘里亦猶強弩之末矣二酋以其逸待之力統數萬人與我三千餘人戰我師之過河者纔四百餘猶能斬將奪旗退而築堡黑水固守以待此

天恩助順者四也萬里之外抱水救火其曷能濟乃予以去年六月即降旨派兵撥馬欲以更易久在行間者耳故兵馬率早在途一趨進而各爭前恐後人

人有敵愾之憤此

天恩助順者五也副將軍富德及叅贊舒赫德輩率
師進援以速行戈壁中馬力復疲值狂狃據險坐俟
頗有難進之勢夫援軍不能進則固守以待者危矣
而叅贊阿里衮驅後隊之馬適至夜擣賊營我師內
外夾攻彼不知我軍凡有幾萬握炭流湯之徒自相
蹂躪顧命不暇於是解黑水之圍鹿駭麇驚遁而保
窟我之西軍合隊全旅以迴阿克蘇此

天恩助順者六也既而彼料我必再入泰山之壓難

國朝文獻卷之三
當乃於我師未進之先攜其部落載其重器跳而遠去而葉爾奇木喀什哈爾二城之舊伯克等遂獻城以降叅贊明瑞一邀之於霍斯庫魯克副將軍富德再陷之於阿爾楚爾於是離心者面內前途者反旆二酋惟挈其妻孥及舊僕僅三百人入拔達克山境此

天恩助順者七也人跡不通之地語言不同之國既已雀毆寧不狼顧其授我與否固未可定也然一聞將軍之檄莫不援旗請奮整旅前遮遂得兇渠函首

露布遙傳此

天恩助順者八也夷考西師之役非予夙願之圖何則實以國家幅員不為不廣屬國不為不多惟塵守成之志無希開創之名兼以承平日久人習於逸既無非常之人安能舉非常之事而建非常之功哉然而輾轉輻湊每以艱而獲易視若失而反得故自締始以逮定功雖予自問亦將有所不解其故而不敢期其必然者故曰非人力也

天也夫

天如是顯佑國家者以

祖宗之敬

天愛民蒙

眷顧者深也則我後世子孫其何以心

上天之心志

列祖之志勉繼繩於有永保丕基於無窮乎繫以銘
曰

二酋偕德始亂為賊是興王師報怨以直伊犁既平
最爾奚屑徐議耕闢徐議戍設以噢以咻伊予本懷

豈其弗戢圖彼藐狃彼狃不量怒臂當車戕我王臣
助彼狂狙始攻庫車僨轅敗事用人弗當至今為愧
悖逆罪重我武宜揚易將整師直壓彼疆阿蘇烏什
玉隴和闐傳檄以定肉袒羊牽二酋孽深知不可活
狼狽相顧固守其穴桓桓我師周行萬里馬不進焉
强弩末矣以四百人戰萬餘虜退猶能守黑水築堡
間信達都為之傷悼所幸後軍早行在道督勅速援
人同怒心曾不兩月賊境逼臨賊境逼臨彼復徼隙
馬繼以進賊營夜斫出其不意賊乃大驚謂自天降

孰敢鋒撓大韞大膊如虎搏兔案角隴種誰敢迴顧
黑水圍解合軍暫旋整旅三路期並進焉賊偵軍威
信不可支挈其妻孥遁投所依所依亦徇豈不自謀
豈伊庇狹而受林憂利厥輜重無遺盡掠遠其都丸
遂來獻馘詎惟獻馘並以稱臣捧齎表章將詣都門
奏凱班師前歌後舞尸逐染髡溫禺釁鼓露布至都
正逮初陽

慈寧稱慶亞歲迎祥

郊廟告成諸典並舉皇皇太學豐碑再樹豐碑再樹

敢予喜功用不得已

天眷屢蒙始之以武終之以文戡亂惟義撫衆惟仁
布惠施恩寀寓共喜古不羈縻今為臣子疆闡二萬
兵出五千據寶書事永矢乾乾

東壁繪伊犁全圖抱厦東壁

聖製平定兩金川告成太學碑文

太上立德其次立功又其次為立言而德與功皆賴
言以傳言之無文行而不遠文之時義大矣哉然傳
德之辭直而寡傳功之辭費而多直而寡者不因文

而德自見二典三謨經世立教是也費而多者必因
文而功乃明周誥殷盤佶屈聳牙是也吾嘗讀韓昌
黎平淮西碑益悉此言之不爽何則彼其藩鎮乃家
奴之類慙患因循以致宛成敵國削而平之是宜引
以為愧而不可炫以為功賴昌黎之文幾與江漢常
武同稱者定然有識者固知其辭費而多飾而未知
憲宗之愧與弗愧耳今之平定金川之文不有類於
斯乎解之者曰逆酋羈縻徼外非若淮蔡之居中土
元濟之為世臣也吾則以為既已受職為土司則是

我臣而其地近接成都遠連衡藏則是我土我土我
臣而橫生逆志蠶食鄰封將欲大有所為弗勦而滅
之則西川將不能安枕茲雖歲事與平定淮蔡擒吳
元濟何以異故宜引以為愧不可炫以為功者以此
全川之始見於己巳告功之文茲不復記記其復叛
而復征則其陰謀負恩己自戊寅年始蓋戊辰之師
實緣其跳梁不清而師既臨境彼即窮蹙乞降遂以
赦罪頒師甫十年而其酋郎卡即與革布什咱構釁
又四年遂與倬斯甲布及三雜谷為敵而逆子索諾

木允悖益甚自恃地廣人衆力強與各土司構兵訖
無寧歲故各土司皆畏之如虎而以勢分力散又莫
能如之何余以為業已受其降不宜復加兵且蟻鬪
蠻觸不足以勞王師因命地方文武大吏隨宜彈壓
令弗越內地界亦足以安民而示度耳不虞地方大
吏欲息事而每示寬逆酋轉以為無足懼而日益逞
其小金川逆酋僧格桑者始則與索諾木水火相仇
繼乃狼狽為奸於是索諾木計殺革布什咱土司色
楞敦多布取其印勅以歸而僧格桑亦侵占鄂克什

地界且發兵圍其土司色達拉之官寨期於必取總督阿爾泰提督董天弼知事不可掩乃有發兵之請是役也或咎阿爾泰依違誤事之過而余則以為阿爾泰之過皆余之過蓋金川因其地險衆悍久蓄異志是以有殺至維州橋之謠則其不忘內地情率可知戊辰之役我師深入屢勝即不宜赦其罪而受其降此一誤也甫十年而郎卡偕愚作亂以及逆子踵其蹟皆不及發兵問罪惟令地方大吏隨宜處置又屢誤也以至尾大不掉終於興師故予不咎人之議

為窮兵黷武而轉咎己之類於姑息養奸蓋中國之制外域張撻伐則彼懼而斂跡主和好則彼輕而生心漢唐宋明之覆轍率可鑒也若謂予窮兵黷武則予賴

天恩平伊犁定回部拓疆二萬餘里豈其尚不知止足而欲滅蕞爾之金川以為揚赫濯紀勲烈之圖哉雖然平伊犁定回部其事大矣然費帑不及三千萬成功不過五年茲兩金川小寇地不逾五百里人不滿三萬衆而費帑至七千萬成功亦遲至五年則以

跣步皆險番奴効命死守故得延至今日而我將軍
阿桂立志堅定決機明敏兩副將軍及叅贊領隊諸
臣同心合力各軍士敵愾奮勇凡經大小數百餘戰
而後成功視平伊犁定回部費力轉不啻倍蓰設非
天恩助順衆志成城則金川未易言滅而國威或致
少損矣是不可以不記觀斯文者尚諒予懷慙悔過
之不暇知非稱功詡德而為言其庶幾乎繫之以辭
用誌始末云爾

小金首禍曰僧格桑兵救鄂什竟抗顏行督臣提臣

每事遷就知弗勝任將軍別授攻破巴朗直取達圍
進抵資哩數月克之兩路夾擊遂得美諾鼠竄狼奔
金川助惡既平趨拉達討促浸雪多境險奏功以沈
奏功以沈賊更遮却綠營怯懦遇賊辟易兵既無能
將復失算豈如南路全師而返重調勁旅吉林索倫
健銳火器其心忠純仍分兩路堂堂正正不旬日間
美諾重定谷噶既入馬尼並克泰養旗兵允得其力
釀三路進一阻宜喜及彼絨布遇險而止阿桂西路
則屢建功羅博湖普達遜克宗喇穆山梁日則了口

舉默格爾以擾其後明亮宜喜亦據嶺梁而復難進
徒然望洋遠昨乙未畧康薩爾木思工噶賊礮並毀
明亮河西亦有所據日旁以前五十里路夾河兩軍
聲息可通並清後路遜克爾宗舊則大海昆色拉枯
層層破要步步披嶮遂克勒圍紅旗飛遞而何四月
大捷未至既克西里迺若建瓴科布曲索隆古不日
而傾雍中含齎易如拉朽密圍噶喇依賊其奚走是
時河西明亮亦入富德馬邦傳檄芥拾設非西路圍
噶喇依則其兩路亦無進期諸軍既合火攻周遭雖

據三穴訖其奚逃然猶死守四十餘日計窮力竭乞
命而出金川之功阿桂居首特恩異數加之宜厚能
出能入有權有經運長擊短後實先聲金川之功允
資羣力寸步層峰冰滑石仄將軍指揮無不奮勇以
此破敵鹿埭隴種金川之功非予所期事弗可已久
而得之關猶獸困捨懲難肋念我衆勞至今心惻金
川之功允賴

上蒼靖彼蕃徼我武惟揚勒碑太學用遵成例靜言
思之文以誌愧

西次間北壁

聖製補詠戰勝廓爾喀圖序

補詠戰圖之什達斯凡六愿數成功之全即今乃十
予幸在茲予惕更在茲蓋予受

祖宗付託之重度德量力尚恐守成之或虧敢懷開
擴之奢望且予自少讀書即欽

天地愛物之心深知窮兵黷武之戒是以繼位之初
即謹遵

皇考之訓許準噶爾之求和罷兵寧人將二十年矣

乃準夷內亂歸降者踵接思我喀爾喀之地不能容
爾許人於是乘機撫衆有甲戌之師自是而西定準
夷一平回部再靖金川緬甸安南各歸順臺灣一舉
輯海洋及此前後收廓爾喀遂有十全之武功使予
自問亦不知何以成此則實賴

上天默佑每以險而獲安常值危而得勝較古之英
君賢將赫濯樹勲者雖不敢云過之而自審實無不
及所云予之幸人或知而予之惕則人或未知也所
惕者何自古為天子者孰非

天之子既為

天之子

天孰不愛之而予獨承之深受之屢設有失德違
愛則所以罰之者亦必重此予所以業業兢兢不遑
刻安者也且前此八功之成雖云絕域外洋皆人力
尚可施之地若斯廓爾喀則在萬里三藏之外更數
千里陡壁線路下臨深川不能容馬人皆踵跡而行
我將卒胼手胝足雖情窳疲弊而氣愈鼓心愈壯突
將無前賊人駭為天降鹿埭隴種傷生實多而憐之

乃致彼魂落膽喪匍匐求降此而弗圖其勞予心又
何忍適不云乎自少年即深知窮兵黷武之戒乃四
十年之間自甲戌始十成武功非用兵而何幸而蒙
天眷佑得以劼劼歲事於民無一賦之加於事有十
全之美則予之所以早作夜思弊精勞神者庶可少
追窮黷之譏耳觀斯圖也不啻並將卒之辛苦實並
切心膂之惻瘼詩以言志其志亦不外乎此爾

西盡間北壁回部全圖上

聖製副將軍富德奏報拔達山汗素爾坦沙獻逆賊

霍集占首級並以全部納款稱臣信至詩

采入殲渠逃望風情知三窟已途窮嘉茲誠早獻馘
順笑彼悔遲跋扈雄和衆永看兩部定成功速在五
年中

天恩如此昭優貺保泰彌殷慎勅躬

西盡間西壁

聖製平定準噶爾告成太學碑文

遼矣山戎薰粥旃裘毳幕之人界以龍沙畜其驕奚
雖無恒業厥有分部蓋自元黃剖判萬物芸生東夷

西夷各依其地謬舉淳維未為理據皇古莫紀其見
之書史者自周宣太原之伐秦政亘海之築莫不畏
其侵軼滑夏是虞自時厥後一二奮發之君慨然思
挫其鋒而納之宥然事不中機材不副用加以地遠
無定處故嘗勞衆費財十損一得措紳之儒守和親
介冑之士言征伐征伐則民力竭和親則國威喪於
是有守在四夷羈縻不絕地不可耕民不可臣之言
興矣然此以論漢唐宋明之中夏而非謂我皇清之
中夏也皇清荷

天之龍興東海撫華區有元之裔久屬版章歲朝貢
從征狩執役惟謹準噶爾厄魯特者本有元之臣僕
叛出據海西終明世為邊患至噶爾丹而稍強吞噬
鄰蕃闢入北塞我

皇祖三臨朔漠用大破其師元惡伏冥誅脅從遠遜
跡毋俾遺種於我喀爾喀厥姪策妄阿拉布坦收其
遺孽僅保伊犁故嘗索傳取地無敢不共逮夫部落
滋聚乃以計襲哈密入西藏準夷之勢於是而復張
西朝命將問罪雖屢獲捷而庚戌之役逆子噶爾丹

策凌能用其父舊人乘我師怠掠畜於巴里坤擣營
於和卜多於是而準夷之勢大張然地既險遠主客
異焉此勞往而無利彼亦如之故額爾德尼招之敗
彼亦以彼貪利而深入也

皇考謂我武既揚不可以既允其請和以息我衆予
小子敬奉

先志無越思焉既而噶爾丹策凌死子策妄多爾濟
那木扎爾暴殘喇嘛達爾扎篡奪之達瓦齊又篡奪
喇嘛達爾扎而酗酒虐下尤甚焉癸酉冬都爾伯特

台吉策凌等率數萬人來歸越明年秋輝特台吉阿
睦爾撒納和碩特台吉班珠爾又率數萬人來歸朕
謂來者不可以不撫而撫之莫若因其地其俗而善
循之且毋令滋方來之患於我喀爾喀也於是議進
兩路之師問彼罪魁安我新附凡運餉籌馱長行利
戰之事悉備議之始熟經於庚戌之難者咸懼蹈轍
惟大學士忠勇公傅恒見與朕同而新附諸台吉則
求之甚力朕謂犁庭掃穴即不敢必然喀爾喀之地
必不可以久居若而人毋寧用其鋒而觀厥成即不

如志亦非所悔也故凡

禍旗命將之典概未舉行亦云徧師嘗試為之耳塞
上用兵必以秋而阿睦爾撒納瑪木特請以春月欲
乘彼馬未肥則不能遯朕謂其言良當遂從之北路
以二月丙辰西路以二月己巳各起行哈密瀚海向
無雨今春乃大雨咸以為時雨之師入賊境凡所過
之鄂拓克攜羊酒糗糒迎恐後五月乙亥至伊犁亦
如之達瓦齊於格登山麓結營以待兵近萬我兩將
軍議以兵取則傷彼必衆彼衆皆我衆多傷非所以

體上慈也丁亥遣阿玉錫等二十五人夜斫營覘賊
向賊兵大潰相蹂躪死者不可勝數來降者七千餘
我二十五人無一人受傷者達瓦齊以百餘騎竄六
月庚戌回人阿奇木霍集斯伯克執達瓦齊來獻軍
門準噶爾平是役也定議不過二人籌事不過一年
兵行不過五月無亡矢遺鏃之費大勲以集遐壤以
定豈人力哉

天也然

天垂佑而授之事機設不奉行之以致坐失者多矣

可與樂成不可與圖始亦謂蚩蚩之衆云爾豈其卿大夫之謂既克集事則又曰苟知其易將勸為之夫明於事後者必將昧於幾先朕用是寒心且準噶爾一小部落耳一二有能為之長而其樹也固焉一二暴失德之長而其亡也忽焉朕用是知懼武成而勒碑文廟例也禮臣以為請故據實事書之其辭曰茫茫伊犁大幹之西匪今伊昔化外羈縻條支之東大宛以南隨畜獵獸蟻聚狼貪乃世其惡乃恃其遠或激我攻而乘我緩其計在斯其長可窮止戈靖邊

化日薰風不侵不距不來其那款關求市亦不禁訶
始慕希珍終居奇貨吏喜無事遷就斯悞漸不可長
我豈懼其豈如宋明和市之為既知其然飭我邊吏
弗縱弗嚴示之節制不仁之守再世斯斬篡奪相仍
飄忽荏苒風沙革面煎鞏披忱集泮飛鴉食黠懷音
錫之爵位榮以華裾膝前面請願効前驅兵分兩路
雪甲霜鋒先導中堅如鼉錯攻益以後勁蒙古舊屬
八旗子弟其心允篤二月卜吉牙旗飄飄我騎斯騰
無待折膠泉涌於磧蕪茁於路我家歡躍謂有

天助匪啗我衆新附亦云黃髮耄覩水草富春烏魯
木齊波羅塔拉台吉宰桑紛紛款納牽其肥羊及馬
潼酒獻其肴耆合掌雙手予有前諭所禁侵陵以茶
交易大愉衆情衆情既愉來者日繼蠢達瓦齊擁兵
自衛依山據淖惟旦夕延有近萬人其心十千勇不
日逃掄二十五曰阿玉錫率往賊所銜枚夜襲直入
其郭揮予拍馬大聲疾呼彼人既離我志斯合突將
無前縱橫鞢鞢衆角鹿埽隴種束籠自相狼籍孰敢
撻鋒孤竄鼠逃將往異域回部遮之兇渠斯得露布

既至告

廟受俘凡此歲功荷

天之衢在古周宣二年乙亥淮夷是平常武詩載載我
皇祖征噶爾丹命將

襍旗亦乙亥年既符歲德允協師貞兵不血刃漠無
王庭昔時準夷弗恭弗聽今隨師行為師候尉昔時
準夷日戰夜征今也偃卧知樂人生曰匪準夷曰我
臣僕自今伊始安爾遊牧爾牧爾耕爾長孫子曰無
向非豈有今是

西朝志竟億載基成側席不違保泰持盈

抱廈西壁繪兩金川全圖

聖製將軍阿桂奏攻克噶喇依賊巢紅旗報至喜成
凱詩十首

甲午桃花寺蹕停軍書正北俯窗櫺幸哉今日仍憑
處綠柳中飛一點星 勒圍報捷夜行營重值上
陵晝返程一刻萬人齊色喜光明日月永銷兵 三
月猶延一月餘六軍奮勇宣饒渠周遭火器熾攻處
早爛區區釜底魚 旬餘棧驛八朝至一片紅旗萬

馬飛夾路羣番喜且懼國之慶也國之威險惡山
川靖梟獍邪深機阱絕根株從今番部都安堵強食
奸欺自此無蠶叢絕險隱妖氛百戰功成古未聞
鼙鼓冬冬聲凱獻羌兒稽首送將軍堅礪林立萬
重山破險衝鋒歷盡艱奏績都資軍將力紅旗一道
入桃關姜維征處號維州艷羨戎人謠語留今日
勒圍為內地無憂城果是無憂盼捷經冬復入春
垂成徧覺意塵頻今宵料得方安枕明告慎哉用武
人流離此日穴巢傾耆定從茲可罷兵歌凱莫教

容易聽五年功幸一朝成

樓上中間

高宗純皇帝御筆扁曰紫光閣聯曰天衢翊運風雲
會策府銘勲日月光北壁平定西陲凱旋圖
上

聖製上巳日凱宴成功諸將士詩並序

筵開飲至剛逢祓飲之辰苑啟瀛臺恰奏濛濛之
績於是上公晉筓青郊解甲初還蕃長款茵黃幄
纏頭列侍官懸陳百部將回中樂府齊登錫爵遍

三巡以間上圖形為次詎因謝扶續投醪之惠期
得抒推心造膝之忱且食刀闌壁借來包匭宜酬
其效順而紫綺朱提並賚僉名合第彼成勞從茲
凱宴遐宣足使天堂知樂是用寅承永切毋忘月
融依光非矜七德升歌爰藉八章紀實

出勞嘉勲歲禮旋昇平凱宴液池端聞腰掃逆誠資
衆助順成功總賴

天策績林林恩予厚詢勞一一命來前寧惟云不重
生望祇覺迴思越悚然 日麗風和春未深獎庸備

禮有壬林試看偃伯靈臺上詎數流觴曲水潯命預
綺筵排伯克也陳夷樂奏任禁笑聆蜀技無情者那
覺西悲動乃心圓幕高張榆柳垂犒筵喜值襖修
時策勲舍爵竟今日鬯武書常允不期誰擬浯溪泐
崖頌我歌靈夏出車詩紫光將畫凌烟像穆棣同叨
乾貺貽成功將士錦衣旋日月光輝軍氣燭藉我
虎臣典宿衛笑他杯酒解兵權八旗子弟心如石萬
禩國朝龍荷

天宣看瘡癥猶未愈能無一體恫瘝連柳舒花放

正良辰上日前期福履申卸甲報弓盡鳧藻凹晴豐
額集魚鱗千秋難遇太平宴百戰歸來義勇身獨憶
儲胥宣力者凱迴未見惜斯人敦瓜烝栗允堪憐
二萬何期竟拓邊遠愧周王興六月遲過殷帝克三
年依楊霏雪凡經幾立幟登孤盡陷堅此日征夫真
通止皇州春滿七條弦拔達山人獻馘歸三軍飲
至謁晴暉勞心幸我紓宵旰公道憑伊論是非紫綺
朱提頌渥澤前歌後舞逐

鴻機歡來憶不同來者勞爵手持淚暗揮芳節延

禧淑氣清祺歌聲是凱歌聲元戎允合躬承袞勇校
均教手賜觥藉衆力茲疆地戎勅予心永奉
天行從來悟得受招理虔鞏流謙慎捧盈

東次間北壁西墜獻俘圖上

聖製午門受俘馘詩

恭載前卷
外朝門

東盡間東壁圖上

聖製黑水行

喀喇烏蘇者唐言黑水同去年我軍薄狃穴強努之
末難稱雄築壘黑水待圍解詎人力也

天幘幪明瑞馳驛踰月到面詢其故悚予哀蜂蟻張
甄數無萬三千餘人守從容容米濟軍軍氣壯奚有
麥麴山鞠窮引水灌我我豫備反資衆飲用益豐銃
不中去聲人中營樹何至析骸新材充著木銃鐵獲萬
億翻以擊賊賊計窮先是營內所穿井圍將解乃督
其中聞言為之悵諸臣實鞠躬既復為之感
天眷信深崇敬讀

皇祖實錄語所載曾聞我

太宗時明四總兵來戰正值大霧彌霧霧敵施火礮

樹皆燬都統艾塔往視攻回奏敵破止傷樹我兵曾
無傷矢乃匪今伊

昔蒙

帝佑覲揚

前烈勵予冲詎人力也

天帡幪大清寰海欽皇風

西次間北壁平定回部郊勞圖上

聖製郊勞出征將軍兆惠富德及諸將士禮成紀事

詩

京縣郊南親勞軍

園壇陳

轟謝成勲出師本意聊嘗試奏凱今朝備禮文釋甲
披戈罷征伐論功行賞策忠勤膝前抱見詢經歷一
瞬五年成以欣同心萬里那睽違畢竟歡言賦采
薇勇將歸來兼福將黻衣著得解戎衣漫稱偃武修
文日恐即嬉文恬武機飲至寧誇暢和樂持盈益勵
慎幾微

西盡間西壁圖上

聖製副將軍富德等追及兩和卓木於阿爾楚爾大

勝回軍捷音詩

慶宵對月方開筵將軍捷報驛騎傳擘囊展書厯厯
閱額手慶慰衷心憐憐者我衆實奮力慰者呵護惟
賴

天萬有餘里所致馬又踰戈壁無水衆裹糧追賊幸
尾及彼逃乃在廿日前明瑞先已折其角未經大創
猶抗顏阿爾楚爾列賊衆避其輜重伏據山輕舉墮
術在所戒集思持重勝算先偏伍彌縫密佈置發縱

指使皆英賢諸大臣均予心膂已圖魯侍衛比肩夙
所教養共休戚敵愾兼遠與僉焉同心戮力功克就
二豎鼠竄圖苟延戰罷檢閱傷一卒殲彼計級乃盈
千師難到葉爾奇木此過數千里行遠以少勝衆翦
賊黨國威赫濯揚天邊優敘未足酬勞績桂觴欲泛
還罷旃百年養士今獲效

祖宗福蔭貽萬年佇待俘虜到露布西師之役方稱
全西師之役方稱全行張凱宴勞凱旋

聖製尊藏得勝

靈燾於紫光閣詩以紀事 有序 丙申

師中麾督剿旌軍勝壯風雲之色徼外績成偃伯
兵銷騰日月之光郊臺既列拜以

告勲紫閣遂尊藏而誌武溯自虎符申命壁壘新而
一將宣勞因之繞旅同心弓刀利而八旗賈勇應
指揮以破險或勵赴赴桓桓運鈐略以出奇仍合
堂堂正正艱辛百戰先登則蟻聚就殲摩蕩七旂
並舉則鷹揚奮擊顧壁間之圖畫建牙稱是英姿
振地角之鼓鉦展旆知其勇號韜函婉昔與西陲

珠飾以交輝棄戢從今叶北斗玉衡而永定

郊臺武定叩

蒼穹陳列

靈旂凱禮雄宣力勤勞資衆將坐謀籌畫賴元戎建
時吉氣占剛日堅處軍祥符勝風例以伊犁及回部
尊藏高閣紀成功

聖製弃戢所獲金川軍器於紫光閣並誌以詩

有序

丙申

叩籠剗淨深林無伏莽之遺桀木倖來遠徼有戢

戈之喜指點戰圖張壁懾我威孤檢稽獲簿陳庭
收其脫帽金璫已拋殘重甲噬犀兕之尚多鉛丸
惟懸贖空囊識蟲沙之早化短鋒誰佩漫矜犴黨
之銛左插何施自斂脫光之影蕩兩川而兵洗金
氣全消鑄九鼎以勲銘銅標詎比虎皮韜櫝連函
用誌武成鳳唼濡毫長律寧誇文具

出師寧曰圖俘物弃器亦因紀武功貝甲蠻刀胥就

獲拳旗斬將並稱雄金川金小穴俱掃

兩金川分東西東為小金

川西為金川俗亦謂之大金川云

白鹿白狼跡豈同那肯事平忘衆

力惟應泰保慎吾衷

御製紫光閣八韻 丙辰

紀勲垂奕禩崇閣煥簷楹二萬新疆闢十全

聖武成

皇父耆定武成自乾隆乙亥至庚辰再平準部一平回部拓地二萬餘里戊辰辛卯

兩次平金川乙丑平緬甸丁未平臺灣戊申平安南己酉辛亥兩次平廓爾喀武功凡十全云

威靈暨諸部

聲教遍寰瀛除暴樂安衆

信

天皆應兵靖藩服必其自干天討乃不得已而用所

皇父大武十全皆出於戢暴安民綏

為應兵非佳兵是以 天助順而成功速屢
見 聖製諄切告誡天下萬世所當敬體者

也 圖麟列褒鄂

賜醕集公卿寶繪鬚眉動

鴻文銘贊榮 形茲閣 皇父每屈策勳即錄在事功臣圖

自平西域定兩金川收臺灣服廓爾喀凡四次雲臺烟閣不足多也 瞻依思保泰

繼述凜特盈又喜有苗格要荒奉大清

御製紫光閣觀射詩 丙辰

皇清重騎射習武以身先七札力須徹三侯中

去聲 欲連烏號孤勁直錦埒馬盤旋承

訓課兒輩鴻規奕載傳

聖製紫光閣閱武舉詩

恭戴
典禮門

聖製紫光閣曲宴外藩詩

恭戴
典禮門

御製紫光閣曲宴外藩詩

恭戴
典禮門

閣後為武成殿乾隆二十五年建

高宗純皇帝御筆扁曰綏邦懷遠聯曰兩階干羽欽

虞典六律宮商奏采薇又聯曰定武戢干戈

遐荒永靖成功標竹帛奕禩常昭殿左右壁

恭懸

高宗純皇帝御筆西師詩開感論左右廡各十有五

楹石刻

聖製自乙亥軍興訖己卯成功詩二百二十四首

聖製武成殿即事詩

壬午

筵開御延閣儀具憩廣殿惟是念衆勞敢曰恃

天眷同廊泐壁詩數載籌筆見處泰益乾惕際和戒
安宴武成一再過孜孜圖永奠

紫光閣之北為時應宮榜為

世宗憲皇帝御筆前殿祀四海四瀆龍神正殿祀順

天佑哉時應龍神

世宗憲皇帝御筆扁曰瑞澤霑和後殿祀八方龍王

聖製時應宮記

恭見前編

御製時應宮瞻禮詩 戊午

甘澤昨欣二寸霑辨香謝

佑敬來瞻慰心始見如膏沐奢望仍希曰肅占麥穎

微芒青墪茁柳條披拂綠絲纖

父祈子繼寧辭瀆願為農民霖霖添

初七日父幸御園詣

皇

宮拈香

予以釋奠臨雍春祭

社稷齋戒伊

命弗隨往今新雨初霑專誠謝

貺寶

報而兼祈總屬重農之
意再三之讀弗敢辭也

宮之東北嚮為 福華門門外即金教龜玉

煉街也

國朝宮史續編卷之六十六

宮殿十六

西苑五

由西苑門循池東岸而北為蕉園舊址嚮
北為蕉園門門之南折而西西南為萬
善門門內為萬善殿正中龕內

世祖章皇帝御筆扁曰敬佛

高宗純皇帝御筆聯曰萬象證圓通金輪妙轉三乘
歸定慧華海長涵又聯曰了悟徹聲聞花拈

妙諦淨因空色相月印明心殿後

聖祖仁皇帝御筆扁曰敬佛後殿為 千聖殿其東

為 迎祥館聯曰辨見還參柏徵心欲剝蕉

又聯曰古樹當庭直天花滿座馨館東為

朗心樓樓廣三楹聯曰花宮具見嚴而妙別

室還饒靜且嘉又聯曰松風謖詩意水月空

禪心樓之東南為 大悲壇壇五楹扁曰妙

印真如聯曰般若示禪修檀薰澄觀陀羅參

梵韻貝讚精持 千聖殿西為 集瑞館聯

曰塵祛滋意蕊聞復發心香館西為悅性
樓樓廣三楹聯曰洗不期其箏笛耳悅原契
此淨明心又聯曰耆岷鳥吟都送喜香林花
色總離塵萬善殿東室

聖祖仁皇帝御筆扁曰惠迪吉西室

高宗純皇帝御筆扁曰敬佛

聖製萬善殿瞻禮詩 庚寅

液池南北一舟通命棹蕉園為去聲落工萬善殿在蕉園中猶前明

所建開久剝落今歲鼎新之茲在歲工始香瞻禮松戶百年依舊綠梅梁八

架換新紅金仙本自泯成壞塵世誰為悟色空初正

陀羅音禮懺

工既落成端流於大慈壇禮懺懺

笑予

者箇未全融

聖製萬善殿詩

庚寅

古砌猶存栢今園不見蕉正名去書室

舊時通小內
與十餘人讀

書於此且有教習書課之作以書館
與僧寮相混於體非宜因移置他處設色煥禪寮無

暇參白業有欣對碧霄精藍息心處漫與問前朝

御製萬善殿瞻禮詩

丙辰

蕉園始前明崇智

殿名

有舊式萬善建招提盡在

極樂國簷楣煥

御書心印清淨域我來叩金容臘日施粥食萬頃玉

鑑開澄澈無二色瀛臺峙沼南長虹亘樓北映

帶景清佳福地化工植震旦象教傳晉瞻大雄

力即願摧魔軍寶光消鬼域

楚省苗匪教匪滋事各逆首尚有未

就俘擒者現在官軍四處搜捕自無漏網
念佛法無邊所冀以大威力速消魔障爾

御製萬善殿瞻禮詩 丁巳

玉鏡輝太液掩映亭臺深澄澈無塵滓疎影連
寒林嘉平月初吉恰值臘日臨冰牀放西苑輓

輓泊岸潯石徑得平坦夾路喬松森寶殿額萬
善萬善由一心各了自身事不使外誘侵

聖皇開壽寓大千震雷音

聲教誠赫濯古史難披尋借德蠱螟墜朋比為邪淫

六師下蜀道指日繫組綸光華燦佛宇頌

天鑒寸忱

御製

萬善殿

時應宮設壇祈雨紀事

庚申

今春缺甘澤風夜心傍徨已屆清和節夾颺鼓

元陽昔歲過祈雨

龍潭畫眉岡路遠難往返居憂事異常

昔歲隨皇考往

圓明園每遇祈雨皆於西山畫眉山黑龍潭設壇今在二十七月內不應住圓明園若由京城

至黑龍潭往返幾及百里恐誤聽政計於西苑內萬善殿時應宮設壇祈禱敬望天

恩沛西苑地潔淨

萬善古佛場六時心攝受演說雲輪章羽流行法

錄致敬叩

上蒼赦罪普銷劫渥霽即沛滂尤願兆洗甲陝蜀全

脫殃有如時雨化苦海登慈航渺躬荷大業局
敢稍怠荒竭誠唯自責雲漢引領望

御製臘日萬善殿瞻禮詩

庚申

明鏡鍊液池彌望光清潔冰牀輾輾乘輕速長
繩掣賀臘古招提時應嘉平節緩步出松關虬
枝互盤結歲寒知後凋插雲儼成列入室禮蓮
臺頻生大歡悅萬善一法包奚必強分別真如
不空空性海光照徹僧衆經懺喧紛呶廣長舌
以此云進修沸湯能止熱雪山面壁時原無一

字說探原在自心返觀味親切

萬善門西行抵水埠有亭出水中

高宗純皇帝御筆扁曰水雲榭石碣恭刻

高宗純皇帝御筆太液秋風四字即燕山八景中之

一也

聖製液池泛舟三首

癸未

飛龍蓬島御風輕

蓬島飛龍液池舟名尚前明物時加修飾供御用

暢好液

池新水生却是西濛人不識直云天上坐而行

時愛為竿

等部陪臣請於御舟先之並喜能以爲得所未親

盆梅隄柳爭春色岸芷

汀蘭勒水芳何必其來盼
袞袞會看一到去堂堂
玉竦金龍亘卧虹承光樓閣倒涵空
勝朝遺跡春明
夢殷監兼存水監中

聖製太液池泛舟即景雜詠

戊子

液池春水恰勝篙淺漾
鞦韆紋靜息潯素艇居然利轉

動層樓傍岸繫龍艘

液池中有瀛海飛龍船層樓飛
甍甚固麗蓋明時舊製歷年

修葺壯觀而已以觀
於舉動故繫岸不用

第一名泉遠溯津新波暗長

拍船脣書雲迴雁即去雁字柳今人非昔人
水面

樓臺鏡裏圖當年
佔畢記曾吾庭前
拳拳萋萋者幾

換新梧伴舊梧 春菜青隨冬菜生園欣豐澤重農
情即看土脉含香潤指日行將此試耕 煙光澹澹
接波光松色青青柳色黃鳬雁翱翔真得所笑他也
自託君王 過牖還須小步隄犁然水便有高低又
看桂棹蘭檠盍聊為乘閒快覓題 三海何曾五里
遙液池舊有三海之名蓋明時內監所構相沿未改其實兩橋隔之耳經行不過五里若輩虛誕可見
一椽人張大笑前朝心無俗便神仙境韓衆安期底
用招 承光臺殿鬱嵯峨金躡元顛明復磨祇有東
廂古松樹春來依舊發新柯

聖製太液池泛舟遊覽遂至畫舫齋詩 己丑

堂出漪瀾早備舟遂教六棹奏黃頭溶溶春水新波

漾北液今朝作舫遊 三面紅牆映水光精藍間

解

出梵雲翔御河橋接通津亘南望橫花玉竦長 新

蒲刺綠微微出弱柳薰黃漸漸濃瓊島入來白塔影

迴瞻錯認北高峯 行行近岸肩輿候清憩何妨趁

暇幾了識書齋稱畫舫笑斯泛者舫寧非

聖製泛舟太液池詩 庚寅

太液秋風裏輕舟即景論元明春夢錄日月浪花翻

穗吐荻蘆老實浮菱茨繁金鼉橫漾過遂與到蕉園
聖製太液池泛舟詩 辛卯

初生春水綠波清六棹蘭舟送以輕不甘日前謁爾
憶花牀曾是碾冰行 永安名寺白塔轟岩窺掬手波

中若可招冰水設還相較量究欣漾影此為選 黃

薰岸柳綠生莎春意舒遲覺漸多漫惜新花猶未發
雪英纈樹匪梅何 蒼雲縹渺望瀛臺分付吟情俟

再來登岸合教還紫禁封章應有待批裁

凡駕行之日雖無輪

班引見之員而各有贊
撫奏摺仍即時批發

聖製太液池泛舟詩 乙未

液沼冰融可泛舟致齋前偶試清遊還宮況此為路

便監水因他作楫求魚躍雁迴化工暢天光雲影靜

機投鳴榔聲裏忙登岸為接軍書報置郵 連日盼望軍郵甚切

適於舟上接阿杜富德奏函隨命登岸與中啟閣將回宮批答不暇遊覽

御製太液冬曉詩 丙辰

熹微曙色動遙空殿閣參差入望中漠漠同雲

初釀雪蕭蕭古樹慣搖風寒林積霧喧乾鵲桺

浦凝煙下遠鴻三海相連波萬頃蓬萊信可一

舟通

御製液池始冰詩

丙辰

今冬暖氣盛一之日始冰向陽初欲結南岸微
覺凝映日流澌淥因風縠紋層轉瞬嘉平月玉
鏡堪臨憑

御製太液冬曉詩

丁巳

三海周環玉鏡明境開冬曉景光清
燕微樓角朝曦上掩映林端寒雀鳴
汀畔連延接文館波心則劣起珠蕓
遍觀京邑生民衆首善之鄉百

室盈 金躋元顓明復墟大清一統會車書無
時鑑古誠超彼圖治安民責在予九有閭閻全
沐澤寸心宵旰始能舒速祈寧靜消邪逆盡樂
昇平根莠除

御製太液春望詩

戊午

微雨初晴後蒼茫太液池三篙猶碧漲百頃漾
清漪旭暖波光活烟開柳色移憑輿欣極目樓

閣畫中披

御製太液秋風詩

戊午

萬頃烟波盈太液
高秋蕭爽下西風
平翻浪影鷗盟亂
遠拂雲光雁字籠
岸映菰蒲連衆綠
汀搖荷芰褪新紅
淑清院裏涼颼滿
一葉飄飄隱井桐

水雲榭之北有白石長橋通行人來往東
西樹坊楔二曰玉竦曰金龍橋下洞七中洞
南嚮石刻扁曰銀潢作界聯曰玉宇瓊樓天
上下方壺圓嶠水中央北嚮石刻扁曰紫海
迴瀾聯曰鋪縠紋開環月珥錦瀾漪皺煥霞

標橋西紅牆夾道有門相對南即福華門
其北為陽澤門可達於闡福寺也金甌
玉竦橋之東有崇臺即臺址為圓城周數百
步設以睥睨兩掖有門東為昭景西為行祥
門各有樓入門由磴道左右分上中構金殿
為承光殿即元時儀天殿之舊也俗名團
殿殿內

高宗純皇帝御筆扁曰懸圃風清聯曰何處五雲多
大羅天上飛來三嶠秀太液池邊入聯曰風

月清華嬴四季水天朗澈繞三洲又聯曰水
以澄淳謀日靜山惟平遠致心閒

聖製承光殿詩

壬午

曾城魏達殿宴罷一登臨地迴春風早蹟陳古木森
唐花多淑色時鳥有和音與物欣韶泰瓊華又佈陰

聖製承光殿作

戊子

崇臺廣殿御橋頭

祭罷更衣少憩留時卉欲酬新節令老松不較古春
秋仙瀛猶隔林雲表太液初開奩鏡流旬日潤遼殷

問

寢命興無暇事遊遊

聖製仲春承光殿詩 己丑

右壇祭畢返金輿適值明當進講書遂以駐驂宿禁

裏因之攬景趁幾餘崇臺綺殿聊容與越日前闕問

起居不覺七朝

萱砌陽遲哉駒影益塵予

聖製憩承光殿詩 己丑

清曉視朝嚴禮文復欣霽景散徂雲更衣路便茲流

憩批牘時勤畢處

聲上

分柏露潤從仰處

聲去

浥荷風香

自俯中間崇臺詎止無煩暑興亦因之迴不羣

聖製承光殿詩

辛卯

視朝藏嘉儀更衣臨便殿風入千年松颯爽謝揮扇

古人此乘涼徒向誌中見蒼翁笑婆娑誌豈曾覲面

聖製夏日承光殿詩

壬辰

太和清曉簡魁元夏日依然返御園路順因之更禮

服驛來便以閱崇軒

御殿後臨此更不遺巡福軍等奏章至即於此批閱

機宜兩軍機大臣侍看部等

隨時勤政寧容忽應愛籌軍豈易言

國朝詩集卷之三
衛士漫嫌稍久待非因問景玩高弁

聖製承光殿更衣即景有作

卷三

南郊雩祭歲儀迴途便更衣采殿來樹撫金源層蓋
古波臨太液一奩開衣衫雨後涼猶峭几席風前靜
不埃欲返御園問

慈豫無煩佳處久徘徊

聖製總承光殿作

乙未

返蹕圓明園總駕承光為娛

聖母情宜割賢妃綰春風緒並吹春雲惜因散彌月

未霑澤望雪殷宵旰籌農無時置餘事可付慢

聖製憩承光殿作

乙未

歲祭西塲轉順途層閣臨更衣憩體暫詢

寢繫懷深古柏十年調時禽二月晉北瞻瓊島近又

喜作春陰

聖製憩承光殿六韻

乙未

遠宇輕雲斂層城曉旭輝於斯稅駕輅遂此換龍衣
臆景異春夏松陰齊瘦肥小停清漏聽連駕御園歸
閱稼歷郊野詢

安謁寢閣有行莫非事無逸以為依

聖製祭罷返御園小憩承光殿即事詩

丙申

層城因據御橋東來往恒斯憩息同適以

春祈禮

松社遂茲

晨省謁

萱宮波臨太液為魚樂節逮中和景物融古柏依然
風月好金元明豈介心蓬

聖製承光殿詩

辛丑

雄堞鬱蒼苑承先舊蹟標

承先殿為金元時舊蹟

金元事已往

松柏古增遥液

謂太液池

俯冰將解島

謂瓊島

麴陰復招雨

佳雪亦可總屬澤春苗

聖製承先殿詩

辛丑

衣更祭服便途中遺蹟金源朶殿崇已渡春陰瓊島

北尚遲秋籟液池東古松也放新釵嫩睡鴨還消細

篆融返纂林無問

安事

殿中舊題有林為問

至近因安之句

不堪卒請默傷哀

聖製承先殿詩

壬寅

承光匪自今建置溯遼金古樹籟宜聽新春景重尋

輕陰生島側

是殿北對白塔即古壇華島

宿雪積牆陰怵爾懷殷

鑒無遑悅志吟

聖製題承光殿詩

壬寅

更衣理事此為便曉視朝仍御苑旋蔽冕何妨松柏

入清和如陟漢霄懸奏章雖報時膏被

據朝奉堂前大進西窗等

所時奏報本月十二日夜雨上三四寸不等

田畝還希渥澤連獨是河工

期又過

前河村等春約初十日合龍十三日可安報到京今為期已過奏章未達尚須彌殷

惕然南望切憂煎

聖製承光殿詩

丙午

還宮御殿具常儀以雨傳宣命罷之去歲本同今歲

日

昨歲亦傳四月廿五日御殿至期寅卯間值
雨而停止有傳宣停御殿衣濕處千官之句今年

却較去年遲

去年四月廿八日芒種時麥已結穗今
年四月廿四日甫屆小滿故春種吐穗

是今年之得雨早
於去年半月也

承光路便清堪憩太液波增朗入

披起麥蘇木及時節益欽益戒敢嬉怡

聖製承光殿即景有感詩

丁未

春祈歲禮

右方壇路便承光盤以桓黻冕入齋因易服棲遑據

案遂傳餐南瞻正切即聞捷

上年冬底福建臺灣彰化縣大里枝等莊逆民

林爽文等結黨倡邪會謀為不軌總督常青雖劉戩門調遣官兵剿捕水師提臣黃仕簡陸路提臣伍宗賢各帶官兵已於正月初四等日先後抵臺督臣沈葆楨奏請兵報黃仕簡等連日剿擒逆黨數千餘人並通入內山已傳旨令常青馳赴該處督率文武員弁務期搜捕淨盡不勝餘孽然黃仕簡等既已悉獲餘自已痛加懲戮而尚未北駕非關欲問

安

向年以祭統等事自御園還宮及事竣則回御園詣楊春園茶問

每逢宮禁無非事並往園亭切問

右增禮成回園於此易服傳餐而十年以前之事

已不可復得 迴憶十年無此事不禁撫景暗凄酸

聖製承光殿詩 乙卯

金元最陳蹟禁外苑之中

是殿金時所建重於時會得金時後可證說即後半

島自元及明皆仍此名在紫禁城外臨西苑太液池每自宮還御因率於此傳膳視事

祭歸誠有恪古對恩無窮默念乘除際難謹惕切衷

御製承光殿春望詩 丙辰

雉尾雲移退早朝承光圓殿液池標波含綺旭
千重錦坊建長虹百尺橋麟閣圖功傳策府龍
亭紀勝麗晴霄廣寒瓊島皆陳蹟

聖代同春景富饒

御製承光殿即景詩

丙辰

園殿鬱嵯峨，儀天蹟未磨。

承光殿舊名圓殿，即元朝崇天殿舊址。

樓臺得地迴松枯，閱年多塔鎮瓊華。
島橋橫太液，波帝京形勝固。
玉燭永調和。

御製承光殿詩

壬戌

前朝傳古殿，形勝據虹梁。
億載金湯固，四時松柏蒼。
千門霞煥彩，三海玉騰光。
到處瞻

宸翰永欽

聖澤洋

殿前古栝槎材傳為金時遺植

聖製詠承光殿古栝詩

癸卯

秀色鎮參天團城根據巔有堂聽古籟

承光殿東有堂曰古籟殿

前松栝材皆傳是金時遺植

無榦不真仙影度金元月幻同楊柳

烟世臣之謂要喬木亦應然

殿南石亭置元時玉甕甕錫

聖製玉甕歌并序

前編見

柱間並刻詞臣四十人奉

敕詠玉甕詩

聖製觀承光殿玉甕再作歌

癸巳

元史世祖至元間初成瀆山大玉海敕置廣寒碧殿
中逮今五百有餘載青綠間以黑白章雲濤水物相
低昂五山之珍伴御榻見日下從臣獻壽歡無央監
院道房曾幾厯仍列承光似還壁相望瓊島咫尺近
豈必銅仙獨淚滴和闌玉甕昨琢成質文較此都倍
羸周監在殷殷監夏一經數典惕予情

按元史至元二年瀆山大玉海成陶宗儀輟耕錄
稱為黑玉酒甕朱彝尊日下舊聞引孫國枝燕都
遊覽志稱為玉缸高士奇金鼈退食筆記亦止引

輟耕錄之文而注道人作菜蔬語此外俱無可考
亦無直稱為酒海者蓋瀆山即瓊華島以四面皆
有水圍是山耳故下文即云敕置廣寒殿設謂玉
海刻有山瀆則不當更以海稱若以瀆山為產玉
之地查元史外國傳不載于闐等產玉諸國亦無
瀆山之名更可證非舉其出產之地至漢郊祀志
所云瀆山乃蜀之岷山不聞產玉也因作是歌並
識於後

殿後為 敬躋堂堂十五楹南抱 承光

殿其北環城臨積翠堆雲橋東為古籟堂
堂內扁曰象昭聯曰蒼官壽客結好友岸芷
汀蘭入畫圖又聯曰花香鳥語無邊樂近景
邀觀取次拈又東為朶雲亭堂西為餘
清齋齋西室扁曰環秀曰涵虛聯曰座挹山
光兼水態竄延秋月與春風又聯曰鏡裏林
花舒艷喬雲邊樓閣隱神仙由齋內曲廊而
西為沁香亭其後累石為小山山上有亭
榜曰鏡瀾亭圓城外東西界以紅牆東為

承光左門西為承光右門北駕石梁制如
金鰲玉螭南北有牌坊二座其南曰積翠北
曰堆雲過橋即永安寺也

國朝宮史續編卷之六十七

宮殿十七

西苑六

團殿之北過積翠堆雲橋為白塔寺今
為永安寺寺門三間南嚮入門為法輪
殿殿五楹內奉釋迦佛

高宗純皇帝御筆扁曰慈雲覺海又扁曰人天調御
聯曰靈鷲風香傳妙偈澄潭月皎印真如又
曰青蓮法界本清淨白毫相光常滿圓殿後

拾級而上有坊一坊其南榜曰龍光北曰紫
照左右有亭二東曰引勝西曰滌靄引勝亭
內石幢恭刊

聖製白塔山總記

京都於唐為范陽於北宋為燕山遼始稱京金元明
因之雖城郭宮市建置沿革時或不同而答陽都會
居天下之上游俯寰中之北拱誠萬載不易之金湯
也宮殿屏展則曰景山西苑作鎮則曰白塔山白塔
山者金之瓊華島也北平圖經載遼時名曰瑞嶼或

即其地元至元時改為萬歲山或曰萬壽山至明時則互稱之或又謂之大山予景圖王綏識北京八本朝曰白塔山者以順治年間建白塔於山頂然考燕京而詠八景者無不曰瓊島之春陰故予於辛未年題碣山左亦仍其舊所為數典不忘之意耳山四面皆有景惜春明夢餘錄及目下舊聞所載廣寒仁智之殿玉虹金露之亭其方隅曲折未能盡高下窈窕之致使人一覽若身步其地而目覩其概蓋地既博而境既幽且禁苑森嚴外人或偶一窺視或得之傳聞其

國朝文獻卷之二
不能觀之切而記之詳也亦宜茲特界為四面而各有記如柳宗元之鉅鐸石城諸作泮因文問景者若親歷其間嘗鼎一臠足知全味云爾

滌靄亭內石幢恭刻

聖製塔山南面記

承光殿之北跨太液為橋南北各有坊南曰積翠北曰堆雲過堆雲坊即永安寺殿曰法輪殿後石磴拾級而升得稍平道左右二亭曰引勝曰滌靄復因迴壘石中仍拾級左右各為洞玲瓏窈窕刻峭崔嵬各

極其致蓋即所謂移艮嶽者也穿洞而上適與拾級而上者平洞之上左右各有亭覆之曰雲依曰意遠平處為佛殿前曰正覺後曰普安兩廂各有殿東曰聖果西曰宗鏡又自永安寺牆之東緣山而升路中有振芳亭再升為慧日亭稍西則順治年間建塔碑記及雍正年間重修碑記復畧升則進普安殿之東廊矣其寺牆之西亦緣山而登半山有亭扁曰蓬壺挹勝再登則為悅心殿偶臨塔山理事引見恒於此其後為慶霄樓每逢臘日奉

皇太后觀冰嬉之所也悅心殿東側書屋為靜憩軒
轉石屏入牆門則仍普安殿自殿後陟石階將百磴
即山頂白塔建於此塔前琉璃佛殿曰善因考日下
舊聞山頂為廣寒殿蓋即建塔之所山中為仁智殿
則今普安佛殿是塔後列剎竿五或謂之轉梵經或
謂之資瞭遠其下為藏信礮之所八旗軍校輪流守
之蓋國初始定燕京設以防急變者雍正年間復申
明其令載在史策其發信礮金牌則藏之大內予因
思之比及藉此知守其失守已多矣然而覩此知懼

凜

天命畏民畧戒盛滿之志繫苞桑之固則信礪之制
豈非

祖宗之良法美意萬世所當慎守者乎

聖製塔山西面記

室之有高下猶山之有曲折水之有波瀾故水無波
瀾不致清山無曲折不致靈室無高下不致情然室
不能自為高下故因山以構室者其趣恒佳慶霄樓
既據山之高樓西緣廊而降有二道其一向南不數

武為一房山蓋房中覆湖石成山云厯磴以下為蟠
青室迴廊環其外緣廊北降達山之西憑廊向南俯
睇有深淵東則山之西脚而山半腰有亭曰揖山乃
從悅心殿西角門而出者其下峭壁插入澗然靚然
若龍湫之有神物也波與太液通石橋鎖其口橋之
南步隄東轉可通悅心殿及永安寺前橋之北則琳
光殿前為山西總路矣又其一轉而北有亭焉曰妙
髮雲峯厯石磴而下則水精域其下有古井古井向
有記闕諸家記載謂引金水河轉機運轉之非及輦

土壓勝之謬凡山之陰山之麓所為屈注飛流線溪
畝池皆綆汲此井以成其勢水精域之下為甘露殿
又下為琳光殿則就平陸為山西之路轉而北為閼
古樓樓壁砌三希堂法帖碑版攀梯而登輿地平稍
北則畝鑑室窻臨清池即鑿山溪引古井之水也閼
古樓後楹平臨山溪石橋架其上度橋有小石亭梁
柱皆泐詩過亭嶺岼削劣徑祇容人攝齊而上出巖
牆門與慶霄樓後門相望而山西之景畧畢
聖製塔山北面記

自閱古樓巖牆門出轉而東則邀山亭又東北則酣古堂堂之東室倚石洞循洞而東則寫妙石室堂與室之南皆塔山之陰或石壁或茂林森峙不可上而室之東間乃樓也踏梯以降復為洞辟窰窗映若陶穴若嵌竄旋轉光怪不可殫極若是者行數百武向東忽得洞門出則豁然開朗小戶三間曰盤嵐精舍而其南則仍石巖陡立然羊腸之逕可以躋而上達看畫廊廊屬山東景茲不復綴自精舍轉而北至環碧樓緣飛廊而下則嵌巖室折而西為小山亭額曰

一壺天地西扇面房額曰延南薰其盤嵐精舍之西
由洞門北行數十武亦達扇面房自房而西為小崑
邱蓋畝鑑室水盈池則伏流不見至邱東始擘巖而
出為瀑布沿溪赴壑而歸墟於太液之波又西為銅
露盤銅仙竦雙手承之高可尋尺此不過綴景取露
實不若荷葉之易則漢武之事率可知矣又西為得
性樓為延佳精舍為抱沖室為隣山書屋名雖殊而
因高以降或一間或兩架皆隨其宛轉高下之趣而
各與題額又自畝鑑室北牆門而出緣山蹊亦可達

此至隣山書屋則就平地廊接道寧齋矣其東乃漪
瀾堂蓋山之北以堂與齋為主室而圍堂與齋北臨
太液延樓六十楹東盡倚晴樓西盡分涼閣有碧照
樓遠帆閣分峙其間各對堂與齋之中南瞻翠堵北
眺滄波頗具金山江天之概故登樓與閣偶有吟咏
無不以是為言由漪瀾堂而東則蓮華室以奉大士
及妙法蓮華經得名出牆門而南則為塔山東面之
境矣若夫各室內或題額或聯語率銘意寄興無關
於景概之全斯則不悉載

聖製塔山東面記

因舊置而修飾之謂之沿易新建而叛為之謂之革山之南沿者多而建者少山之北革者夥而置者稀然東北泐瓊島春陰之石幢雖出於新建亦實述其舊置由石幢登山逕為看畫廊其上則交翠庭庭之下廊之側攀援石洞以出為古遺堂對之者巒影亭自堂躡梯以下仍依洞以出為見春亭遂循東岸可至半月城前而自交翠庭步嶺路至智珠殿者分左右階而下亦達半月城前蓋殿原據城上埤堦即平

殿基也過石橋則陟山門而白塔山四面之事畢矣
白塔建自順治八年辛卯至於今蓋百有二十年矣
夫士民之家尚以肯構為言况茲

三朝遺蹟地居禁苑聽其荒廢榛蕪為弗當然予自
辛酉壬戌之間始稍稍有所葺建至於今凡三十年
而四面之景始畢成而為之記雖云發內帑以徐為
之然而視春明夢餘錄日下舊聞所載有過之無不
及矣知我罪我吾豈能辭哉

引勝滌靄亭後各有石東曰崑崙西曰嶽

雲由甬道拾級而上左右有方亭二東曰雲
依西曰意遠亭下各有石洞東洞扁曰楞伽
窟正中為 正覺殿殿後為 普安殿

高宗純皇帝御筆扁曰慧根圓相又扁曰如如不動
聯曰真諦總涵華海露慈光長仰德山雲又
曰心鏡朗懸空色相智燈長滿燭人天殿前
東為 宗鏡殿西為 聖果殿殿後石磴層
躋而升為 善因殿中供梵銅佛像殿後即
白塔也由白塔東下至山足為 智珠殿東

國朝文殊佛像
嚮供文殊佛像

高宗純皇帝御筆扁曰般若香臺聯曰塔影迴懸霄
漢上佛光常現水雲間其前圓牆如月城由
殿後緣山徑折而北為交翠庭聯曰波光
入窗淡草色護堦新庭北迴廊環遶而下為
看畫廊聯曰竹柏之懷與心神妙遠智仁
之性共山水效深廊下有石室中涵巖洞洞
內供大士像洞門上石刻真如二字別室有
小樓聯曰天濶雲非繫波空月自明又折而

東至山麓有石碣恭刻

高宗純皇帝御筆瓊島春陰四字燕山八景之一也

聖製人日瓊華島詩

乙酉

人日登臨古所傳靈辰迓祉慶初年祇宜佳處賞松

竹例是今朝禁管絃

是日逢國忌例不舉樂

雪積樹根堆喜色

春融峯角蔚祥烟輕陰設復霏時玉駢慰東郊利麥

田

御製瓊島春陰詩

戊午

傑峙瀛洲瓊島我冥濛春色得來多凝烟掩映

連宮闕欲雨微茫接駟娑待寫新題抽彩筆先

占甘澍潤嘉禾

宸襟茂對悅心殿賞五記詳披勝縣羅白塔山之鎮金

然之瓊華島本朝順治間以建白塔於山頂而名

意並考其方隅界為四面各記以示數典不忘之

面聖製白塔山總記塔山南

永安寺牆之左緣山而升為振芳亭再

升為慧日亭又南穹碑二一為順治八年

建塔碑文一為雍正十一年重修碑文皆臣

工恭紀 永安寺西山半有亭扁曰蓬壺挹
勝又西由山麓躋級而上為 悅心殿每

臨幸時視事於此東室聯曰員嶠曉烟連碧漢曲
池春雨念蒼生又曰是處暢觀頗役目此間
閨景足澄心西室扁曰靜挹古香聯曰雲端
曠奧軒疑畫樹杪高低圃是懸

聖製悅心殿即目詩 壬午

承光直北是瓊華宛轉虹橋路不賒積雪欣滋瑤島
樹輕陰又疊赤城霞梅將春信徐徐遞詩與韶光旋

旋加因憶子輿明訓在悅心禮義足生涯

聖製臘日悅心殿侍

皇太后膳即景得句癸未

年年

慈豫奉嘉平更喜瓊華名島雪始晴千里麥欣壅秋本

幾峯樹訝發春榮綵屏節事

遐齡祝鏡浦冰嬉例賞行每歲冬月陳冰嬉既因使習衆藝亦欲藉以行賞也

此日悅心真是悅然吾豈敢忘去聲持盈

聖製新春悅心殿詩甲申

謁廟有餘暇陟山亦偶然春陰又覺好細雪已徐翻
底藉椒花頌待吟瓊葉篇悅心端在此可以答韶年
聖製臘日悅心殿侍

皇太后膳壘去歲詩韻

甲申

高低四寸雪鋪平萬歲巒光膜座晴

瓊華島元時為萬歲山

一

例臘前霑愷澤

去歲臘前一日得雪今歲臘前二日得雪

千林培後毓和

榮

每逢雪後令步軍收培樹根既不虛瑞皚皚玉嶽澤亦因以行賞週年以來率成例矣

畫中列輓輓冰牀鏡裏行今日

慈心真是悅

壽籌添擬海山盈

聖製悅心殿詩乙酉

曉日上窓溫匡牀小憩存壁詩忽隔歲嵐畫又迎軒
攀陟寧宜亟詩書悅可敦此中覓消息至矣予輿言
聖製雪後悅心殿詩乙酉

雪霽已止奚妨止雲色欲晴猶未晴便教活畫觀瓊
島真是躡梯步玉京朶殿有花仍菊秀上林無樹不
梅榮半年一到誠何謂誰識居然信暢情

聖製新正悅心殿詩丙戌

新正暢好多清暇咫尺瓊華試攬登
怡喜輕雲生鬢
鬚兼看宿雪積峻嶒玉蕊迴接三霄慶綺勝祥占百
福膺萬戶皇都春富貴持盈念益切吟憑

聖製悅心殿詩

丁亥

崇閣罷春筵綺殿試清眺瓊島記春明春陰望空躁
華藻例綴景今歲斯初到仙木亦璿璫假山亦舊隋
悅心詎在茲乃在祥雲膏

聖製悅心殿詩

戊子

紫光醺罷惜餘陰瓊島春歸試攬尋翠柏蒼松徑熟

識繡縑寶帖殿初臨乘時欲奉陽和德汲古思探義
理深今日畧知心可悅幸緣積素在林岑

聖製悅心殿即事詩 戊子

乘興維舟復陟山

殿在永安寺山之麓即載臨朐殿元時萬歲山之故址

翠微間春陰恰喜瓊華潤明季瓊島春陰為燕山八景之一亦即此地見春明夢餘錄及日細浪從披太液潺花木且遲二月景詩下舊聞諸書

書聊伴片時閒悅心漫道於斯悅

時正籌征緬軍務日夜問郵章

聖製新正悅心殿詩 己丑

三冬頻望雪鮮有悅心時春澤今真渥穀朝幸在茲

是日正月八日為穀日濃雲猶作勢集霰又先期笑似老農矣

何曾苗碩知

聖製悅心殿詩已丑

一水圍瓊島因之過石橋波光全潋灩柳色已招搖
時有春陰合便希雨澤邀邇來心畧悅麥隴雪培饒

聖製悅心殿詩已丑

南郊承祭罷北淀問

安旋

俗暢春園圓明園俱在都城之北是處更衣慣輕
俗名海淀而其中又自分南北

與取路便露濃林似沐夏淺卉猶鮮攬景茲無暇心儀

愛日懸

聖製悅心殿詩

己丑

玉塔聳崔巍瓊島圍羅列浸映太液光精神堪凜雪

冕散於馬換

御太和殿傳臚後至此更衣視事

竹素於焉設展卷怡

虞書知人云則哲惟帝其難之得賢心庶悅

聖製新正悅心殿詩

庚寅

躍龍邸第炷香還路便因之到瀆山

元之瀆山即明季之瓊島也

樹態峯姿濯雪後屏南硯北伴幾閒三冬望澤心那
悅一晌行春意始憫煙火皇都憑富庶可能此象遍
區寰

聖製由液池東岸遂至悅心殿漫題三首

庚寅

液池祇是一湖水明季相沿三海分

去聲

為張大娛

人主仇士良言夙所聞

淑清

院名在瀛臺東北角

石遷出宮

牆東岸黃緣二里強瓊島春陰景正好遂登山殿攬
煙光 山殿茗堯號悅心悅心得不易難謀祈農勅
政先憂切卅五年初勵至今

聖製仲秋悅心殿詩 庚寅

慶長行禮奉

慈寧山殿聊因路便停恒侍

康強心有悅謹承

溫清視無形波翻太液俯階見風颯銀河平牖聽郊
外適纔觀鉉艾潦餘旋轉賴

圓靈

聖製人日悅心殿詩 壬辰

昨朝迎

慈豫今晨趨問

安退咨政以畢新正值餘閒人日當登臨瓊島此陟
攀朶殿棲崇椒春屏舞祥鸞絲管例弗舉是日忌辰例不作樂
書史良足觀理義實悅心子輿有名言

聖製過御河橋遂至悅心殿詩壬辰

歲祭猶當居禁林經筵明日仲春臨御園旋蹕咨

安適一宿先馳

膝下心 幾政疇咨暇有餘液池西岸度輕輿冰消
春水呈溶滴鳬雁乘波樂莫如 迤邐金鰲玉螭橋

御河橋兩岸
牌坊偏名向東北轉路非遙至元萬歲明瓊島名

異山同秀相入招
聲喬柯低幹鬱林岑巖殿軒戺憩

悅心雖是悅心寧易悅正當即景盼春陰

聖製新正悅心殿詩癸巳

昨日承

歡今問

安退猶餘暇小游盤近惟瓊島無多路高俯液池有

曠觀闕閱萬家根本固
地居最高處俯覽萬家煙井景象豐盈其間甲第連雲多

有開國勲賢遺構基京師首善俗風端一臨百慮塵

鞏業安規模宏遠

心內祇願積靈畧所寬

聖製人日悅心殿詩甲午

祈辛迴喜恰成人退以詢

安愛敬申依例茲辰徹宴樂

是日遇
長例不奏樂

忌無妨應

節事遊巡正希瓊島春陰好已覺瑤軒淑氣閭曰此
悅心那易悅西川捷報望來頻

聖製悅心殿詩乙未

幾餘初歲試遊尋咫尺塔山憩悅心恰對春屏吟翼
日又看瓊島佈輕陰屢霑仍冀斯為雪

京師於冬至
月臘月屢曾

得雪不過三四寸而止冀得霑霑望獲無違始自今
更盼捷音越以甚安能即境豫清襟

聖製新正悅心殿詩 丙申

新正藩宴循成例待備遊山陟碧峻五歲軍功一朝

歲兩金川負恩抗拒不得已而用兵自收復償拉以

功全賊巢即日便可掃穴擒渠大三冬雪澤翼辰仍歲

二日復霽既優且普新正於斯即景心誠悅詎敢生

驕志忘聲競珠綴屋簷玉鋪砌摘吟合有幾章增

聖製新正悅心殿詩 丁酉

華筵待備塔山臨今歲悅心真悅心七德功成寧蜀
檄三登稔告慰農箴荷嘉羣望都稱慶遇順予衷倍
切欽祇有祈年無別冀即看瓊島霽春陰

聖製悅心殿得句

庚子

祇宮瞻禮罷路便塔山尋一雪將盈尺首春真悅心
綴花高下樹鏤玉斲礪岑賁賁看瓊島循名又作陰
聖製悅心殿詩

壬寅

悅心夫豈易言分偶悅心應敬益躋慶值四方無事
日慰當三白已霑畦因知即景今為幸耐可翻書古

與稽孟子佳言從幼讀時時亦自要提撕

聖製紫光閣宴罷小憩悅心殿作

丙午

賁筵有餘暇瓊島便途臨

悅心殿即明瓊島春陰處也為燕山八景之一見春

明勞餘錄及

日下舊聞 即此期名副無他可悅心歷觀題與詠

條聞昔和今彷彿松杉杪英英欲作陰

聖製題悅心殿詩

壬子

殿據崇阿號悅心落成不計幾迴臨顧名艱致十之
五惕息切存昔至今必也雨暘時以若凜乎謙滿命
難謏庭中種樹龍鱗老指曰吾憂共爾深

御製悅心殿即目詩 丙辰

元明瓊島傳京邑據形勝梵寺列剎竿鈴語半
空聽危亭占峯尖旋螺盤石磴永安詩固金甌
浮屠標上乘俯覽太液池玉鑑光清滌周衢士
庶繁縱橫市廛亘教養首善區庶寧象堪凭悅
心實在茲豈徒暢遊興

御製悅心殿即目詩 戊午

神京第一最高處憑眺悅心列九衢商賈市廛
集首善王侯甲第壯皇都常叨

帝澤俗彌樸屢沐豐年農益愉候屆清明雨初降仍
祈甘澍再霑濡

悅心殿東為靜憩軒殿後為慶霄樓

每逢臘日

高宗純皇帝奉

皇太后觀冰嬉之所也扁曰雲木含秀聯曰延賞亭
臺皆入畫嚮陽景物又從新又聯曰得水之
情盆魚有樂領山之趣拳石皆奇

聖製慶霄樓詩庚寅

巖巔切碧虛因迴構樓居琳宇烟霞近祥鸞羽翼舒
子房堪比似弘景合相於暫坐旋言去華哉祇愧予
聖製慶霄樓詩 甲午

瓊島層樓號慶霄開韶節亦近元宵銀花火樹從無

賞上元節例於御園陳燈火燕貼鶴幡近可招翰苑
宴外藩後從未於此慶賞

詞兼規頌獻散屏意切雨腸調憑觀萬戶誠殷富曰
教惟慚化尚遙

聖製題慶霄樓詩 丙申

聳翠層樓窄堵傍慶霄真覺薄汾陽一時偶憶謝宣

遠五字曾吟張子房翰墨娛情簡共馥韶春有腳
梅芳皇州甲第紛憑望保泰持盈厯念長

聖製觀護軍冰技行賞詩

丁酉

歲暮家家多窘迫例因冰技沛恩施乍驚此日憑觀
處大異常年侍

覽時彩徹旌旗遵國制持仍弓矢耀軍儀

常年走隊時按八旗

旗色各負小旌與弓矢相間今歲因在二十

習勞佈

惠非無事要即其中酌用之

聞冰技本以歲暮行賞兵丁因令照常演肄定

其等差而今昔
相形益覺悽愴

聖製嘉平廿一日於西苑觀年班各部並臺灣生番

示以冰嬉即事得句 戊申

賀正近遠畢來同撫諭憑輿言語通

今早往西苑用膳辦事所有年

班藩部進羅貢使向於西華門外迎謁今歲並有臺灣生番頭目俯伏道傍瞻觀憑輿撫諭據各通事譯

奏具見語不待舌古人之傳也 西北新番稱舊僕四衛

拉綽羅斯部和碩特部都爾伯特部土 東南捕鹿學

賓鴻莊上年福康安征剿臺灣逆匪生擒逆首林爽文

為京踴躍當即厚加賞賚旋據福康安奏各番目情願

華篤哇哨及所轄六社番目阿里山總社番頭目紅

巴里及所轄八社番目大武壠總社番頭目樂吧紅

及所轄五社番目傀儡山總社番頭目加六寨及所轄七社番目並通事社丁共四十二人班迎西華門外隨入西苑賜食並令與觀冰嬉該生番等平日以捕鹿為業山野之性居然拜跪如禮而形色亦俱極恭敬歡服已命於職貢園增繪補編以冰嬉仍寓誌國家撫御廣遠益勵欽承帝佑冰嬉仍寓誌戎訓苑觀都懷奉朔衷眾喜康強頌四得獨深虔鞏昊恩蒙

聖製臘日觀冰嬉因詠冰牀 甲寅

繩牀殊古制冰上可拖行冰牀古無其制起於宋北幾傑志沈括筆談蓋舟車之用遇冰而窮惟此可以利涉一人挽之可載數人用力少而受直廉京師所以濟之一端也舟水車陸異濟人利物并毬爭武因習

旗逐賞分平

國俗有冰嬉之典樹旗門懸編伍士皆緹衣齒履鵠立以俟罵前分壘擲鞠健

步爭先意注手承及旗分八色盤旋彌絡懸球仰射如凌虛振翼自在游行事畢依例按名頒賚八旗及

內府三旗歲於冬至後舉行親臨閱賞均賜普被所謂順彼月令以訓以養勇者特旌任者均賜普被

曰仁有差曰義蓋肆武習勞不忘家法且寓以行慶施惠資八旗度歲之計用普國恩名為嬉而實

關鉅典也

家法國恩普羣欣度首正

御製觀冰嬉詩

丙辰

萬頃液池玉鑑憑八旗勁旅競超騰雷轟三疊
齊呈技電掣千夫各奏能飛矢射時全命中綵

毬拋處又分明嘉平行賞羽林遍習武昆明例
事仍

御製冰嬉詩 丁巳

液池練武邁昆明禁旅騰驤選俊英

行賞歡心同挾纊習勞健足競登瀛雷鳴電掣迴旋
疾星轉颺馳蹴踏輕發矢千軍龍戲繞奪毬一
月掌先擎光含玉沼凝璿鏡韻合冰牀傍綵旌
五十步休羨百步普霑

帝惠樂嘉平

冰嬉之制藉習武以行賞咨示嘉惠兵
丁之至意每歲冬月簡八旗子弟角藝

液池
勇者特旌
餘皆均賜
所以鼓勵
而激勸之
者即
一較技間
仰見
仁至而義
盡焉

御製觀冰嬉詩
壬戌

歲發寒飈五夜凝
玉壺凍合液池冰
迴旋鳳翥
輝明鏡宛轉龍蟠
引綺棚
旅進藏身甘遜讓
高才捷足定超騰
非徒遊覽原行賞

教養仁心永服膺

慶霄樓後有亭曰
潁秀亭
西竒峯
秀巖有
亭南嚮
扁曰妙髮雲峯樓
西為揖山亭
又

西拾級而下有延廊環抱山石間築室其中
榜曰一房山聯曰好山一窗足佳景四時宜
又聯曰翠霏峯四面青卷戶千螺由房內南
間石巖盤旋而下為蟠青室悅心殿前
循山西行有石橋南北坊楔各一前後各有
榜南嚮曰涵秀曰濯錦北嚮曰挹源曰豔雪
渡橋有坊楔二南嚮曰芳淥曰舞藻北嚮曰
靜游曰紉香其中為琳光殿殿後為甘露
殿榜曰蓮界慈緣聯曰不二啟津梁同歸

法海大千空色相自覓心珠庭多奇石環繞
皆水又後有殿榜曰水精域聯曰鎮留嵐氣
閒庭貯時落鐘聲下界聞此塔山上下四周
全勝之概也

